

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
2007**

3-7 Allakkatigut saaffiginnissutit akinissaannut oqarasuaatikkullu oqaloqatigiin-  
nerit pillugit allakkiani ingerlatsinermi ileqqorissaarnerup malinnissaanut  
pisussaaffeqarneq (j.nr. 11.01.66.04/077-07)

Suliami innuttaasup Ineqarnermut, Attaveqarnermut Aatsitassanullu Naalakkersuisumut allakkaminut akissummik tigusaqarsimannginnerminik naammagittaalliuteqarfigisaani Naalakkersuisunut ilaasortamut ilaatigut imaattunik oqaaseqaateqarpunga:

*"Naalakkersuisunut ilaasortaq A-mut allakkatigut 29. september 2006-imeersutigut nalunaaruteqarpoq naammagittaalliut allaffeqarfimmit akineqassasoq, naammagittaalliutaatalu allakkatigut akineqannginnissaa pisortaqarfiup A-mut isumaqatigiis-*

3. Apeqqutit ingerlatsineq pillugu inatsiseqartitsinermit tunngasut pillugit ataatsimoortumik

*sutigisimaneraa pisortaqarfiup oqarasuaatikkut oqaloqatigiinneq pillugu allakkiaani ullormit tassanngaanneersumi ersarivissumik uppernarsaatissaqanngilaq.*

*A-p naammagittaalliummut allakkatigut akissummik tigusaqarnissani tamatuma kingornatigut naatsorsuutigisimassavaa.*

*Allakkatigut saaffiginnissutit allakkatigut akineqartarnerat ingerlatsinermit ileqqorissaarnerup ilagaa.*

*Innuttaasup allakkatigut saaffiginnissutaa oqartussaasup oqaasiinnartigut akiinnar-sinnaavaa, oqaasiinnartigut akissutip naammannera innuttaasup pineqartup akuersaarlugu oqaatigippagu.*

*Taamaattumik inassuteqaatigaara A-p naammagitaalliuutaa 27. september 2006-i-meersoq pisortaqarfiup allakkatigut akissagaa.*

(...)

*Suliamik suliarinninninni pisortaqarfiup oqarasuaatikkut oqaloqatigiinneq pillugu allakkiaani 29. september 2006-imeersumi oqaatsit makku aamma maluginiarpakka:*

*"Piuminaalliortutut misinnarpoq" aamma "Oqaloqatigiinnermi sianiippasissorujussuarmik akisoqartarpoq"(Atorfeqarfimmi nutsigaapput).*

*Oqaatigaara ingerlatsinermit ileqqorissaarnerup manna nassatarigaa, tassalu pisortani oqartussaasup allakkiai oqaatsinik arlaannaanulluunniit nikassarpalaartunik suliamillu suliarinnittup pissutsinik nammineq inuttut naliliineranik imaqartariaqanngitsut, tamanna suliap suliarineqarnerata ingerlaqqinnissaanut pingaaruteqanngip-pat.*

*Taamaattumik oqaatsit issuarneqartut oqarasuaatikkut oqaloqatigiinneq pillugu allakkiami ilanngunneqannginnerat eqqornerpaasimassagaluarpoq."*

Pisortaqarfiup allakkatigut akissutit A-mut nassiussimagai tamatuma kingornatigut ilisimatitsissummik tigusaqarpunga, suliarlu tamatuma kingornatigut anner-tunerusumik iliuuseqaqqinnanga inaarlugu suliaralugu.

3-8